



ՀԱՍՏԱՏՈՒՄ ԵՄ՝
«ԱՐԱՊԱՀՊԱՆՈՒԹՅԱՆ
ՆԱԽԱՐԱՐ»



Ա. ՄԻՆԱՍՅԱՆ

«14» 09 2017թ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 82

Ձեռնարկողը՝

«Թաթարոուն» ՍՊԸ

Ք. Երևան, Երզնկյան 79

Գործունեությունը՝

Այգեծորի պղինձ-մոլիբդենային հանքավայրի (Թղկուտի
տեղամաս) սպորին հորիզոններում և թևերում 2017-
2019թթ երկրաբանական ուսումնասիրության
աշխատանքների ժամկետի երկարաձգման շրջակա
միջավայրի վրա ազդեցության նախնական
գնահատման հայտ

«Սյունիքի մարզ»

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրեն՝



Վ. Սահակյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՅՈՒԹՅՈՒՆ
ՇՐՋԱԿԱ ՄԻԶԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅՈՒՆ

թիվ ԲՓ 82

'14' 09 2017թ.

Այգեձորի պղինձ-մոլիբդենային հանքավայրի (Թղկուտի տեղամաս) ստորին հորիզոններում և թներում 2017-2019թթ. երկրաբանական ուսումնասիրության աշխատանքների ժամկետի երկարաձգման շրջակա միջավայրի վրա ազդեցության նախնական գնահատման հայտ

Պատվիրատու՝	<<Թաթարոուն>> ՍՊԸ
Նախագծող՝	<<Քոնսուլտարդ>> ՍՊԸ
Ներկայացված նյութեր՝	Նախնական գնահատման հայտ <Գ> կատեգորիա
Տեղադրման վայրը՝	ՀՀ Սյունիքի մարզ

*արագա 564
օրինակ
S. Jem*

<<Թաթարոուն>> ՍՊ ընկերությունը ՀՀ էներգետիկայի և բնական պաշարների նախարարի հոկտեմբերի 8-ի թիվ 406-Ա հրամանի համաձայն ՀՀ Սյունիքի մարզի <<Այգեձորի պղինձ-մոլիբդենային հանքավայրի Թղկուտի տեղամասի թներում և խորը հորիզոններում>> երկրաբանական ուսումնասիրության աշխատանքների իրականացման ժամկետը սահմանված է մինչև 2017թ. սեպտեմբերի 30-ը: Համաձայն ներկայացված երկրաբանական ուսումնասիրության աշխատանքների նախնական գնահատման հայտի՝ փոփոխված ծրագրի, Ընկերությունը նախատեսում է աշխատանքների ժամկետը երկարաձգել ևս 2 տարով (այն շարունակել հանքային դաշտի առավել հետաքրքրություն ներկայացնող արևմտյան հատվածում և հրաժարվել հետախուզվող հանքային դաշտի շուրջ 50% տեղամասից):

Ներկայացվող երկրաբանական ուսումնասիրության աշխատանքների փոփոխված ծրագիրը կազմված է Ընկերության նախաձեռնությամբ և ֆինանսական միջոցներով:

Աշխատանքների նպատակն է կատարել երկրաբանական ուսումնասիրության աշխատանքներ ՀՀ Սյունիքի մարզի Այգեձորի պղինձ-մոլիբդենային հանքավայրի Թղկուտի տեղամասի ստորին հորիզոններում և թներում՝ համատեղելով նախկինում, ինչպես նաև 2015-2017թ.թ. ընթացքում, մանրագնին հետախուզված աշխատանքների արդյունքները: Հետագոտել հանքերնակման սահմաններում հայտնաբերած արդյունաբերական նշանակություն ունեցող հանքային մարմինները, բնութագրել դրանց տեղադիրքը, ճշգրտել վերջիններիս տարածական պարամետրերը, բնութագրել դրանց նյութական կազմը: Կատարել տեղամասում հայտնաբերած մետաղների նախնական գնահատում արդյունաբերական C₁ կարգով և հաշվարկել դրանց կանխատեսումային ռեսուրսները P₁

կարգով, իսկ հանքավայրի ստորին հորիզոնների համար կատարել օգտակար հանածոյի պաշարների հաշվարկ C: կարգով: Տեղամասի երկրաբանական ուսումնասիրության աշխատանքների արդյունքներն ամփոփել մանրագնին կոնդիցիաների պարամետրերի տեխնիկատնտեսական հիմնավորմամբ ու պաշարների հաշվարկմամբ երկրաբանական հաշվետվությունում:

Իրականացվող աշխատանքների արդյունքներով նախատեսվում է հանքավայրի տարածքում հետագա առավել մանրակրկիտ հետախուզման համար առանձնացնել օգտակար հանածոյի հանքայնացված լոկալ տեղամասեր: Ճշտել հանքավայրի ստորին հորիզոնների ու թևերի պղինձ-մոլիբդենային հանքայնացման գոտիների պաշարների հաշվին Այգեձորի պղինձ-մոլիբդենային հանքավայրի Թղկուտի տեղամասի տնտեսական և ռեսուրսային ներուժի ընդլայնման հնարավորությունները: Կատարված աշխատանքների արդյունքների հման վրա կազմել երկրաբանական հաշվետվություն՝ օգտակար հանածոյի կանխատեսումային ռեսուրսների և պաշարների հիմնավորված գնահատմամբ:

Աշխատանքների կատարման ժամկետների սկիզբը նախատեսվում է 2017թ-ի IV-րդ եռամսյակին և ավարտվելու է՝ 2019թ.-ի I-ին եռամսյակին:

Նախատեսված տեղամասում ընկերությունը կիրականացնի աշխատանքների 2-րդ փուլը, որի ընթացքում հետախուզական ցանցի խտացման միջոցով կկատարվի օգտակար հանածոների C: կարգով և P: կարգի կանխատեսումային պաշարների հաշվարկ:

ՀՀ Սյունիքի մարզի Այգեձորի պղինձ-մոլիբդենային հանքավայրի խորը հորիզոններում և թևերում նախատեսվող աշխատանքների մեթոդիկայի ու միջոցների ընտրությունը կատարելիս հաշվի է առնվել տեղամասի տեղադրվածությունը, երկրաբանական կառուցվածքի առանձնահատկությունները, տեղանքի ռելիեֆի ձևը և տարածքի չափսերը, հետախուզությունը նախատեսվում է կատարել մեխանիկական սյունակային հորատման, հետախուզաառուների, հետախուզահորերի և նմուշարկման միջոցով: Ներկայացվող ծրագրի նպատակն է գնահատել տեղամասում պղնձի և մոլիբդենի պաշարները, հանքայնացման տեսակետից առանձնացնել հեռանկարային տեղամասեր, հետախուզել և գնահատել այդ տեղամասերում մետաղների և հանքաքարի պաշարներն ըստ C: կարգերի, իսկ կանխատեսումային պաշարները գնահատել ըստ P: կարգի: Տեղամասում կիրականացվեն երկրաբանական, երկրաքիմիական, երկրաբանահանույթային աշխատանքներ:

Ըստ երկրաբանական կառուցվածքի բարդության հանքային դաշտը համապատասխանում է 3-րդ խմբին: Երկրաբանական ուսումնասիրության աշխատանքների տարածքը զբաղեցնում է շուրջ 130.15հա մակերես:

Հետախուզվող տարածքում առանձնացված առանձին տեղամասերի 1:2000 և 1:10000 մասշտաբների վերջնական երկրաբանական քարտեզների կազման, առկա ռեսուրսների եզրագծամն նպատակով նախատեսվում է կատարել տոպոգրաֆիական և երկրաբանական հանույթային աշխատանքներ 130.15հա /1.30կմ²/ մակերեսի վրա, բոլոր հետախուզական փորվածքների և նմուշարկման տեղերի, ապարների երկրաբանական սահմանների գործիքային տեղադրմամբ:

Նախատեսվում է հետախուզվող տարածքի վրա ստեղծել 1 և 2 կարգի տրանզույացիոն ցանց և 1:100 մասշտաբի ստորգետնյա փորվածքների հատակագծերի կազմում, ինչպես նաև բոլոր փորվածքների մարկշեյդերական սպասարկում ամբողջ աշխատանքների տևողության ընթացքում:

Այգեձորի պղինձ-մոլիբդենային հանքավայրի Թղկուտի տեղամասի արևելյան թևում նախատեսվում է կատարել 1:2000 և 1:10000 մասշտաբների որոնողական երթուղիներ վերջինիս երկրաբանական կառուցվածքի և սահմանների ճշտման համար, համադրելով 2012-2017թ.թ. կատարված աշխատանքների արդյունքները:

Օրագրով նախատեսվում է անցնել 10կմ երթուղիներ /3կմ-ը 2000 մասշտաբի և 7կմ-ը 10000 մասշտաբի/:

Որոնողական երթուղիների ժամանակ նախատեսվում է հաշվառել նաև 1970-ական թվականներին և 2012-2017թ.թ. ընթացքում անցած հին լեռնային փորվածքները (հետախուզաառուները, հետախուզահորերը, հանքուղիները, ովանցները, հանքափողերը), նշել դրանց գտնվելու վայրը, տեղադրել քարտեզի վրա, հետագայում անհրաժեշտության դեպքում դրանց մաքրման և օգտագործման համար:

Այգեձորի պղինձ-մոլիբդենային հանքավայրի Թղկուտի տեղամասի ստորին հորիզոնների հետախուզման և գնահատման նպատակով նախատեսվում է հորատել 10 հորատանցք մինչև 250մ խորությամբ՝ 2500զծ.մ ընդհանուր ծավալով:

Հանքային գոտիների հորատահանուկի գծային ելքը պետք է կազմի ոչ պակաս քան 98%, ներփակող ապարներով յուրաքանչյուր երթում պետք է լինի 96%-ից ոչ պակաս: Որպես լվացման հեղուկ կիրառվելու է կավային և պոլիմերային լուծույթները:

Օրագրով նախատեսվում է վերգետնյա փորվածքների հետախուզահորերի, հետախուզաառուների անցում: Փորվածքները միմյանց հետ կապակցված չեն: Դրանց տեղը և դիրքը կճշտվի դաշտային աշխատանքների ժամանակ, տեղում, երկրաբանական երթուղիների ընթացքում:

Հանքային մարմինների և գոտիների հզորությունը, տարածումը, դրանց հանքայնացման համասեռությունը, տարածման և թափանցանքի օրինաչափությունները, այլովիալ-դեյուվիալ նստվածքների ուսումնասիրման, ինչպես նաև մարմինների մորֆոլոգիան պարզելու և հանքային գոտիների թափանցանքի համար նախատեսվում է հետախուզաառուների անցում: Առուների խորությունը նախատեսվում է ընդունել 2մ, լայնությունը՝ 0.85մ (եղևելով հողաբուսական շերտի և հանքային մարմնի հզորությունից): Տեղամասում հիդրոթերմալ փոփոխված հզոր գոտիները, երակային ապարները ուսումնասիրելու համար նախատեսվում է անցնել 11 մագիստրալ առուներ, ընդհանուրը՝ 1010զծ.մ երկարությամբ և 858.5մ² մակերեսով:

Նախատեսվող առուների անցման ամբողջ ծավալը կկազմի՝ 1717մ³, այդ թվում՝ 429մ³ IV կարգի և 1288մ³ VI- VIII կարգի ապարներով:

Նախատեսվում է անցնել 3 մաքրվածք ընդհանուր 75մ³ ընդհանուր ծավալով: Մաքրվածքների լայնությունը ընդունվում է 3-4մ, կից պատի բարձրությունը 1.0-1.5մ: Մաքրվածքների անցումը նախատեսվում է իրականացնել ձեռքով, քանի որ տեղամասում ըստ նախնական ուսումնասիրությունների տվյալների, այլովիալ-դեյուվիալ, փուխր բեկորային, ճեղքավորված, դրեավայի վերածված ապարների հզորությունը տատանվում է 0.56-8.0մ սահմաններում, իսկ երբեմն՝ 8.5մ:

Նախատեսվում է անցնել 11 հատ հետախուզահոր, յուրաքանչյուրը 4մ խորությամբ, ընդհանուր 44զծ.մ, որից IVկարգի ապարներում՝ 6.2զծ.մ, իսկ VI – VIII կարգի ապարներում 37.8 զծ.մ: Հետախուզահորերի կտրվածքը ընդունվում է 1.5մ², ամբողջ ծավալը՝ 66մ³:

Անցած հետախուզահորերը և առուները, համաձայն անվտանգության տեխնիկայի և շրջակա միջավայրի պահպանության կանոնների, փաստագրումից և նմուշարկումից հետո

ենթակա են վերականգնման ամբողջ 1783մ³ ծավալով, այդ թվում հետախուզատուներ – 1717մ³, հետախուզահորեր - 66մ³:

Մանրամասն երկրաբանական փաստագրման ենթակա են բոլոր լեռնային փորվածքները, հորատահանուկը: Նախատեսվում է իրականացնել հետախուզական փորվածքների տեղադիրքի կապակցում, մակերևույթի թեքության անկյան և ազիմուտի չափում: Կատարվելու է մերկացված ապարների ուսումնասիրություն, նմուշների վերցնում, դրանց պիտակավորում և փաթեթավորում, լեռնային փորվածքների նկարագրում՝ նմուշարկման միջակայքերի նշմամբ:

Մշակման ենթակա են ակոսային, հորատահանուկի և համախառն նմուշների ամբողջ քանակը, համաձայն որի ակոսային նմուշներ – 112, այդ թվում հսկողական /համակցված/- 37, հորատահանուկային – 490, սղկվածքային նմուշներ – 12, քերծվածքային – 14, համախառն – 25, հսկողական – 10, խմբակային – 35, ֆազային – 6, ընդամենը - 704 նմուշ: Նմուշների մշակման աշխատանքների կատարման որակը և ճշտությունը ապահովելու համար նախատեսվում է աշխատանքային բոլոր փուլերում իրագործել վերահսկման աշխատանքներ:

Ծրագրի շրջանակներում նախատեսվում է կատարել լաբորատոր, միներալոգիական և պետրոգրաֆիական ուսումնասիրություններ, քիմիական և սպեկտրիալ անալիզներ: Հարգային անալիզների ենթակա են բոլոր 704 նմուշները: Հաշվի առնելով դրանց արտաքին և ներքին հսկողական անալիզների քանակը (5%), ապա հարգային անալիզների ընդհանուր քանակը կկազմի 739 նմուշ:

Հանքաքարի նյութական կազմը և նրա տեխնոլոգիական հատկությունները հետազոտելու նպատակով հետախուզահորերից նախատեսվում է 5 տեխնոլոգիական նմուշի հանույթ, որոնք հետազոտվելու են <<Լեռնամետալուրգիայի ինստիտուտի լաբորատորիայում>>, որի հիման վրա կներկայացվի հանքաքարի տեխնոլոգիական մշակման սխեման: Այդ նմուշներից 3-ը կկազմվեն շարքային խառը նմուշներից, իսկ 2-ը հորատահանուկներից: Նախատեսվում է այն փորձարկել գործարանային պայմաններում 5 տեխնոլոգիական նմուշների փորձարկում՝ ընդհանուր 1000.0տ ծավալով:


Հանքային դաշտում ինժեներաերկրաբանական և հիդրոերկրաբանական պայմանների պարզաբանման նպատակով նախատեսվում են կատարել համապատասխան դիտարկումներ: Նախատեսվում է կատարել նաև հանքերնակման ներփակող և պարփակող ապարների ֆիզիկամեխանիկական հատկությունները, որով կորոշվի ապարների կայունությունը բնական պայմաններում:

Նախատեսվում է 10 հորատման հրապարակների՝ յուրաքանչյուրը 35մ² մակերեսով, և դրանց մոտեցման ճանապարհների նորոգում 2925մ³ ծավալով՝ շուրջ 6.5կմ երկարությամբ, միջինը 1.5մ լայնությամբ՝ 4-րդ կարգի ապարներում:

Ընդերքի ուսումնասիրման աշխատանքները անմիջականորեն կապված են շրջակա միջավայրի պահպանման խնդիրների հետ: Որոնողական աշխատանքների իրականացումը շրջակա միջավայրի վրա կունենա որոշակի ազդեցություն և այդ ազդեցությունը նվազեցնելու կամ բացառելու նպատակով կկիրառվեն բնապահպանական հետևյալ միջոցառումները.

- պարբերաբար կհսկվեն մթնոլորտային օդի մաքրությունը հորատման հրապարակներում, ավտոճանապարհների վրա, նկատի ունենալով, որ օդում փոշու սանիտարական նորման չպետք է գերազանցի 0,004գ փոշի օդի 1մ³-ում;

- փոշեզրկման նպատակով աշխատանքային գոտիներում պարբերաբար կկատարվի ջրցանում;



- օգտագործվող ագրեգատները կաշխատեցվեն սարքին վիճակում վնասակար գազերի գերնորմատիվային արտանետումները բացառելու համար:

Ընդհանրացնելով և վերլուծելով ներկայացված նախնական գնահատման հայտը, ՀՀ բնապահպանության նախարարության համապատասխան ստորաբաժանումներից ստացված կարծիքները, 07.09.2017թ. Ագարակի համայնքապետարանի տարածքում իրականացված հանրային քնարկումների արձանագրությունը, ինչպես նաև փորձաքննական գործընթացում առաջարկությունների և դիտողությունների հիման վրա կատարված լրամշակումները կարելի է անել հետևյալ եզրահանգումները.

Որոնողահետախուզական աշխատանքների իրականացման համար ընտրված տեղամասը զբաղեցնում է 1.30կմ² /130.15հա/ տարածք և գտնվում է ՀՀ Սյունիքի մարզի Մեղրաձոր համայնքի վարչական սահմաններում (Վարդանիձոր բնակավայրերի սահմաններում): Երկրաբանական ուսումնասիրության համար ընտրած տարածքը զուրկ է անտառածածկույթից և բացակայում են անտառային հողերը: Հայցվող տեղամասը հարակից է «Արևիք» ազգային պարկի պահպանման գոտուն:

07.09.2017թ. Ագարակի համայնքապետարանի տարածքում իրականացված հանրային քնարկումների ժամանակ հանրության կողմից հնչեցին դրական կարծիքներ և հավանություն նախատեսվող գործունեության վերաբերյալ: Նշվեց, որ ըստ նախնական գնահատման հայտի նախատեսվում է նշված տարածքում իրականացնել միայն երկրաբանահետախուզական աշխատանքներ: Հետագա հանքի շահագործման աշխատանքները կիրականացվի երկրաբանահետախուզական աշխատանքների դրական արդյունքների և հաստատված պաշարների հիման վրա համապատասխան նախագծային փաստաթղթերի կազմումից հետո, որը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի փորձաքննության կենթարկվի երկու փուլով՝ որպես Ա կատեգորիայի նախատեսվող գործունեություն: Հանրային քննարկումների ընթացքում պարզվեց, որ բացի «Թաթսթոուն» ՍՊԸ-ից տարածաշրջանի հանքերակման դաշտում երկրաբանական ուսումնասիրության և հանքարդյունահանման աշխատանքներ է իրականացնում նաև «Ղարագույաններ» ՍՊԸ՝ Վերին Վարդանիձորի ոսկի-բազմամետաղային հանքային դաշտի 2016-2019թթ. երկրաբանական ուսումնասիրության ծրագիր և Վերին Վարդանիձորի ոսկի-բազմամետաղային հանքավայրի կնտրոնական տեղամասի արդյունահանման աշխատանքներ: Հայցվող Այգեձորի պղինձ-մոլիբդենային հանքավայրի՝ Թղկուտի տեղամասը, «Ղարագույաններ» ՍՊԸ-ի տրամադրված տեղամասից գտնվում է 10.0կմ հեռավորության վրա (համաձայն հավելված 2-ի՝ Այգեձորի և Վարդանիձորի երկրաբանական աշխատանքների տարածքները իրադրային սխեմայի):

Երկրաբանական ուսումնասիրության աշխատանքների ընթացքում հետախուզաառուների, հետախուզահորերի և խրամների, հողային զանգվածների բեռնման, բեռնաթափման և տեղափոխման, շինարարական տեխնիկայի տեղաշարժման ժամանակ կառաջանան անօրգանական փոշու արտանետումներ, շինարարական տեխնիկայի շարժիչների աշխատանքի արդյունքում կառաջանան դիզելային վառելիքի այրման արտանետումներ, որոնք կունենան ժամանակավոր բնույթ և կարտանետվեն հարթակային աղբյուրներից: Բացառվում է ջրային ավազանի աղտոտումը:

Աշխատանքների իրականացման ժամանակ անհրաժեշտ է հետևել բնապահպանական միջոցառումների կիրառմանը, որոնք ընդգրկում են հետևյալ հարցերը.

- օդային ավազանի պահպանումը վնասակար արտանետումներից՝ ջրցանման և աշխատանքներում սարքին մեքենասարքավորումների օգտագործմամբ;

- ջրային ավազանի պահպանումը կեղտոտումից՝ հորատման ժամանակ օգտագործվող ջրերը հատուկ կահավորված փոսորակներում հավաքմամբ և կրկին օգտագործմամբ, բացառելով ջրերի արտահոսքը;

- ապահովել լանդշաֆտների վերականգնման աշխատանքները՝ կատարելով խախտված հողերի լեռնատեխնիկական ռեկուլտիվացիա;

- հողերի պահպանության կարգի պահանջների ապահովում;

- կանխարգելել կամ մեղմացնել էկոհամակարգերի վրա մարդածին բացասական ազդեցության գործոնը;

- աշխատանքների հետևանքով բնությանը հասցված բացասական ազդեցությունների վերացում:

Հողի վերին շերտի պահպանության նպատակով նախագծով նախատեսվում է հետախուզաառուների, հետախուզահորերի, հորատահարթակների կառուցման և ճանապարհների վերականգնման ժամանակ հանել հողի շերտը, պահեստավորել, իսկ աշխատանքների ավարտից հետո, լանդշաֆտի վերականգնման նպատակով ծածկել հողաշերտով: Ռեկուլտիվացիայի ենթակա հողերի ծավալը հաշվարկվում է ելնելով հետախուզա-առուների, հետախուզահորերի տարածքի մակերեսից և հողաբուսաշերտի 0.30մ վերականգնման պայմանից: Հետախուզաառուների, հետախուզահորերի և հորատման հրապարակների ընդհանուր տարածքի մակերեսը կազմում է 1224.5մ² /հորատահրապարակներ 350.0մ², հետախուզաառուներ 858.5մ² և հետախուզահորեր 16.5մ²/, որտեղ հողաբուսական ծածկ առկա է միայն 56% մակերեսում: Ռեկուլտիվացիայի ընդհանուր ծավալը կազմում է՝ 206.0մ³, որը կատարվելու են ձեռքով: Ռեկուլտիվացիայի ընդհանուր գումարը կկազմի 735000.0 դրամ, այդ թվում հորատահրապարակների համար՝ 210000.0 դրամ, հետախուզաառուների՝ 515100.0 դրամ և հետախուզահորերի՝ 9900.0դրամ:

Երկրաբանահետախուզական աշխատանքների ժամանակ ժամանակավորապես օգտագործումից դուրս եկած հողերի ընդհանուր մակերեսը կազմում է 1224.5մ² կամ 0.12հա: Հողօգտագործման համար վնասի փոխհատուցման գումարը համայնքներին կկազմի՝ 36.0 հազ. դրամ:

Օրագրով նոր ճանապարհների կառուցում չի նախատեսվում: Երկրաբանական ուսումնասիրության աշխատանքների իրականացման ժամանակ կօգտագործվեն գոյություն ունեցող գրունտային ճանապարհները, որոնք անհրաժեշտության դեպքում մասնակիորեն կվերանորոգվեն:

Նախնական գնահատման հայտում ներկայացված բնապահպանական միջոցառումների իրականացումը հնարավորություն կտա նվազեցնելու կամ մեղմելու իրականացվող աշխատանքների ազդեցությունը շրջակա միջավայրի վրա, ինչպես նաև վերահսկելու նախատեսվող աշխատանքների գործընթացը: Նախատեսված միջոցառումների արդյունքում տարածքի աղտոտվածությունը՝ շրջակա միջավայրի բոլոր բաղադրիչներով, կզտնվի թույլատրելի նորմերի սահմաններում:

Նշեմ նաև, որ համաձայն <<Շրջակա միջավայրի վրա ազդեցության գնահատման և փորձաքննության մասին>> օրենքի հողված 20-ի 7-րդ կետի՝ փորձաքննական եզրակացությունը կորցնում է ուժը, եթե նախատեսվող գործունեության իրականացումը չի սկսվում փորձաքննական եզրակացության տրվելուց հետո՝ մեկ տարվա ընթացքում:

Փորձաքննական պահանջներ

1. Մինչ գործունեության իրականացումն անհրաժեշտ է ՀՀ օրենսդրությամբ սահմանված կարգով ստանալ համապատասխան համաձայնություններ և թույլտվություններ (մասնավորապես՝ սեփականաշնորհված, գյուղնշանակության հողատարածքներում աշխատելու նպատակով):
2. Երկրաբանական ուսումնասիրության աշխատանքների իրականացման ընթացքում՝ ելնելով տարածքի յուրահատկությունից, անհրաժեշտ է խստագույնս հետևել նախնական գնահատման հայտի փաստաթղթերում ամրագրված բնապահպանական միջոցառումներին (մասնավորապես՝ բացառելով անտառային հողերում հողաշերտի խախտումը և ծառահատումները) և սոցալ-տնտեսական ծրագրին, իսկ դրանց չբավարարման դեպքում ներառել լրացուցից միջոցառումներ՝ պարտադիր կարգով պահպանելով բնապահպանական, կառուցման և շահագործման հետ կապված բոլոր նորմերը:
3. Որոնողահետախուզական աշխատանքների իրականացման արդյունքում տեղամասում առկա ջրային ավազանի վրա, հնարավոր վնասակար ազդեցությունների կանխարգելման, նվազեցման կամ բացառման նպատակով անհրաժեշտ է ուղորդվել ՀՀ կառավարության 2015թ. հունվարի 20-ի թիվ 64-Ն որոշմամբ հաստատված չափորոշիչներով:
4. Հատուկ պահպանվող տարածքներում բացառել որևէ աշխատանքի իրականացում:
5. Համաձայն ներկայացված փաստաթղթերի՝ նախատեսվող գործունեության տրամադրված տարածքը հարակից է «Արևիք» ազգային պարկին, ուստի աշխատանքները անհրաժեշտ է իրականացնել հաշվի առնելով «Բնության հատուկ պահպանվող տարածքների մասին» ՀՀ օրենքի 20-րդ հոդվածի և ՀՀ կառավարության «Արևիք» ազգային պարկի ստեղծելու, «Արևիք» ազգային պարկի և «Արևիք» ազգային պարկ» պետական ոչ առևտրային կազմակերպության կանոնադրությունները հաստատելու մասին» 15.10.2009թ. N1209-Ն որոշմամբ հաստատված N1 հավելվածի պահանջները:
6. Գործունեության ընթացքում իրականացվող շրջակա միջավայրի բաղադրիչների (ջուր, օդ, հող և այլն) մոնիթորինգի, հետծրագրային միջոցառումների իրականացման և վերլուծության հաշվետվությունը պետք է հասանելի լինի պետական շահագրգիռ մարմինների և հասարակայնության համար:
7. Երկրաբանական ուսումնասիրության ընթացքում առաջացած շինադրի կուտակումն և հեռացումն (կենցաղային աղբ), ինչպես նաև ջրօգտագործումն անհրաժեշտ է իրականացնել ՀՀ օրենսդրությամբ սահմանված կարգով:

ԵԶՐԱԿԱՅՈՒԹՅՈՒՆ

«Թաթթթթթ» ՍՊԸ-ի կողմից ներկայացված «Այգեձորի պղինձ-մոլիբդենային հանքավայրի ստորին հորիզոններում և թևերում 2017-2019թթ. երկրաբանական ուսումնասիրության աշխատանքների ժամկետի երկարաձգման» շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն, վերը նշված փորձաքննական պահանջների պարտադիր կատարման պայմանով:

Գլխ. մասնագետ՝

Կ. Մովսիսյան